

里人周慶雲纂

農桑二

收蠶 縣志清明後穀雨前用舊絮包種六七日或以帕裹之

置熏籠一宿謂之打包天暝則置之牀上天寒則抱於胸前

宜老翁老婦任之取其溫和適中也 宵蠶要旨看布種其

子變綠謂之戰色俟全綠即可收三朝後當將種鋪開在向

陽處如陰雨或在牀上或在竈上以暖處為佳待其脫殼採

花葉少許 俗名做絲花 去梗刺燭燥研末其香無比用麻布

篩篩在種上 蠶得此則 候一箇時辰用食鍋抹乾 金漆大盤

將鷺毛輕輕刷攏收於鍋內更用小圓竹器鋪糞糠灰一層

南潯志

卷三十一

農桑二

雜以石 上襯以紙即放蠶於器中上用切細嫩葉薄糝 收下

灰亦可 宜切細初眠後可蠶二眠後 蠶即能食 凡收下未曾食葉即

用葉片出火後用了頭葉 一二日不飼不致餓壞 倘喫葉些些以後稍饑即斷絲腸矣

放在暖處謂之冷看須六七周初眠倘用火較速用火者蠶

器擱架上藏牀中火爐燒炭整一箇 俗稱 用灰蓋好置架下

不得過熱蠶器亦須時時移轉葉亦頻頻糝上謂之三日三

夜趕頭眠然不若冷看之妥惟遇春寒用火可免畔黹 亦作

作孽 俗用薙替屨字並非蠶畏冷 湧幢小品 其既食也乃

藏葉底不肯向上食葉謂之畔黹 熾炭于筐之下并其四周剉桑葉如縷者而謹食之又上下

抽番晝夜巡視火不可烈葉不可缺然又不可太緩緩則有

漫漶不齊之患矣編經曰蠶薦用以圍火恐其氣之散也東

結曰葉墩用以承刀惡其聲之著也是爲看火遺間瑣記

初生之蠶俗名烏兒每重一錢十六兩可得出火一斤大眠

四斤並廿四兩爲中平之率烏青鎮志葉稀卽補之烏密處

以細竹筴撥勻

蠶蠶舟收蠶諺云穀雨不藏蟲收蠶以此爲候焉擇吉日

中或以冷或以盆視所便又取刺梅花之葉縷切布其上

蠶得葉香蟄者盡出乃以戲子權其輕重始飼以葉目刺

梅葉爲花葉者別於桑也郡人謂蠶房埽畢窗已糊吳鹽

收蠶爲攤烏其候較吾鄉爲早云裹去迎狸奴良辰急向厯頭檢城中前日齊攤烏炙殘桃

葉蠕蠕動毫芒細更輸鍼孔紛紜紙上密成團四寸蠶翎

慢撚攏刷下先將小榼承細敷花葉一層層蠶孳早欲知

多少數罷還從戲上稱從此育蠶多禁忌扎闌豫防生客

南溟志

卷三十一

農桑二

二

至三寸紅箋淡墨書家家徧貼蠶天字

蠶恂收蠶下蠶最早惟我湖昨日前日齊攤烏厯頭日腳

今又好收蠶莫把良辰孤鷺翎一雙早購置細意更有垂

髻姑囑姑開包出布種蠕蠕戢戢生意蘇紙上拂拭置筐

內攢如絲髮無細麤更教持戢較輕重胥言種最今年數

小筐紙糊潔且淨一層細葉青平鋪揮刀束砧忙復忙何

殊慈母將嬰雛

忌蠶

育蠶要旨忌蠶之說鄉人最信往往用蘆簾圍住不使

人出入稍有變端卽占卜禱祝或謂生客所衝或謂陰氣所

犯雖屬附會然在旁人知其忌蠶必須謹避庶不致歸咎也

有實係當忌者曰雨曰霧曰黃沙曰氣水葉葉久貯氣曰煙熱蒸溼者

氣曰油氣

熬熱油尤忌

曰酒氣曰穢濁氣

采桑

〔青蠶要旨〕

桑葉稱爲鮮貨不可多采恐其乾而蠶不欲

食則暴殄矣又不可少采或遇霧雨黃沙也

有霧甚毒雨亦不宜黃沙必洗

倘逢大雨則繩經於檐前將桑葉挂上風乾水漬或用扇揮之小蠶時只采葉片出火然後開剪如蠶多則二眠卽開剪

〔董斯張桃源憶故人采桑〕一庭夢雨薔薇亞穠綠描成口

夏蠶市今番來也剛直開園罷

碧雲叢裏紅衫卸錯認

海棠花謝翦得半筐歸舍釵挂桑枝下

〔董燠采桑曲〕吳下重蠶桑采采朝復暮葦簾愛晴和溼食

忌雨霧婦姑辛勤不得眠筠籠壓背墮曼髻地狹人稠葉

垂盡騰價撐過賣葉船借得幾貫青銅錢購置飼養俱蜿

南潯志

卷三十一

農桑二

三

蜒上山作繭厚復圓纜車伊軋火晝然羈布不用一縑被

一月樓羅半顛顛絲多價賤何處賣催租人去債主至

〔董正采桑行〕朝采桑采柔枝暮采桑采枯枝朝采暮采不

自飽廢置櫛盪愁蠶饑辛勤圖上簇絡繹看纜絲去年東

郡蟲食稻流民牽帥逃鞭笞村村乞食餓且死桑籠雖在

誰提攜今年西村苦冰雹隴麥顛倒桑離披幸茲獲生聚

比戶天所私微陰障晴日小雨溼茅茨葦簾土銜半涼燠

敢憚操作謀荒嬉但願繭雪白絲價良不訾上輸賦稅下

艱食荷鉏共事東臬菑

〔董蠶舟采桑〕一片碧雲籠四野戴鴛聲中見桑者儂家有

地十畝寬半在陌頭半牆下郎憐儂是新嫁孃嬌羞尙怯

遵微行顧語小姑汝子助同向南騰采葉去宿葉未盡蠶未饑偷閒偶啟白板扉家家閉戶寂如水拾葚畦邊譁稚子綠陰陰地聞翦聲林中到處桑梯倚須臾夫壻負筮歸堆來滿地青玉肥只願吾蠶食葉速速采不辭勞僕僕默思地窄葉無多飼到上山恐不足保得安全過大眠典卻金釵開葉船

董恂采桑種桑須種儂屋邊儂行采桑近更便提籠朝朝又暮暮不須南陌還東阡日間飼蠶采猶易夜行畏露零涓涓良人爲我購竹筮薄暮挑取盈窗前何待更深復外出愛儂情重儂亦憐所愁蠶多葉復少不堪無葉偏無錢卻喜今朝蠶不食滿筐滿箔齊三眠拔釵付郎去稍葉天

南潯志

卷三十一

農桑二

四

明餉食難稽延

張樹培采桑曲房頭防夜有狸奴眠對燈檠照影孤忽被子規驚夢醒起看稀處葉重鋪桑陰如幄柳垂街匝月辛勤繫妾懷侵早最愁春草滑倩郎先買小蒲鞵斜風細雨最魂銷陌上歸來路尙遙幾樹低枝儂盡折待郎來取最高條

稍葉

育蠶要旨如桑地少必須買葉大眠後開葉船買葉當

用十擔先買五擔恐蠶或不佳不至餘葉且恐價有低昂也

如太昂則屑米粉糝葉以飼之

道光二十二年曾有此者

又停葉之法

亦稱住葉葉來之時先向陰地上鋪蘆蓆或竹簾葉放其上不可鬆亦不可過緊須將每帖豎起整齊平直清水灑之謂

之封好

一周宜灑三四次

可停三日或兩日臨飼蠶時將葉放鬆涼

透

停處必熱

否則有氣水葉蠶食即壞

胡承謀府志稍葉

湧幢小品

作

其預立約以定價而俟蠶畢買絲以償者曰賒稍有先時

子直俟葉大而採之或臨期以有易無胥謂之現稍 遣閒

瑣記蠶時往烏鎮做葉是南潯一做俗名爲貿易實同賭博

究之得利者少失利者多有葉賤而虧本者有刻意居奇以

致過時不及售者有受市僧之欺并本錢無從追問者後人

曾不知鑒爲之不已蓋市易叢集之地便于遊蕩故樂之而

不悔也

董蠶舟稍葉

桑爲湖屬恆產直名曰葉以人人所知也而吾鄉則栽桑地狹所產僅足飼小蠶曰小葉

葉莫多於石門桐鄉其牙僧則集于烏鎮三眠後買葉者以舟往謂之開葉船買賣皆曰稍吾鎮之饒裕者亦稍以

南潯志

卷三十一

農桑二

五

射利謂之作葉又曰頓葉凡葉百斤爲一擔鄆中則以二十斤爲一箇家家門外桑陰繞不

患葉稀患地少及時惟恐值尤昂苦語勸郎稍欲早我家

稍時在冬月一擔不過錢五百迨至新年數已懸蠶月頓

增至一千未到三眠忽復變一錢一斤價驟賤夫壻聞之

咎阿儂而今欲悔已無從儂笑謂郎莫爾爾吾家所失殊

無幾不見街頭作

子賀切

葉人折閱已過大半矣此曹平日

子母權計利析到秋毫顛居來奇貨不肯鬻黃金不飽貪

夫腹去有腰纏返垂囊烏戍歸來唯一哭

董恂秒葉樹桑牆下地不多蠶食不足如葉何鄰翁明日

向烏戍願語夫壻無蹉跎葉行早晚價不一秒遲秒早宜

猜摩清明插柳妾曾卜今年平穩靡有他但願初貴後時

賤彼做業者空婆娑當其貴時儂有葉牆陰屋角枝猗儺  
待至蠶長葉已賤葉船兩兩門前過百斤亦祇值錢百剪  
刀聲裏多歡歌

金鍾秀蠶家新樂府做桑葉昂然高坐踞牙儉賣買人多  
闖戶外忽贏忽絀權獨操伎倆畸衰此其最買者未必皆  
養蠶販夫漁利殊眈眈可憐窮氓日勞苦蠶多葉貴情何  
堪吁嗟平局外閒觀徒扼腕惡習何時除壟斷

飼蠶

青蠶要旨大約每蠶一斤廿四兩秤自收下至上山喫葉一

百八十斤十五兩三錢秤此上上蠶也稍平者不到此數小蠶時只

采葉片出火然後開剪

溫曰鑑飼蠶行桑扈初鳴麥花落家家閉戶事蠶箔鄉村

南潯志

卷三十一 農桑二

六

四月斷往還陌上綠雲亞髻鬢日斜不見青絲控紫萋綠  
枝醉禽弄蠶饑葉貴空執筐呼婦須鬻嫁時瑤

董蠶舟飼蠶

束枯爲墩曰葉墩又曰草墩用以承刀到葉

之日夜謹飼不令稍饑饑則有斷絲腸之患出火前忌溼  
葉大眠餉後又惡太燥以潔水灑葉而飼若傷于寒則蠶  
死鬱於熱則破囊俗所謂爛肚也風雨霧露皆足致損在飼之得宜耳終朝斫費拚擋藁

砧束作明月樣絲絲青葉如牛毛細意聶切何辭勞浹辰  
之間眠過二眠起便將完葉飼盼到幾時纔出火連枝喂  
食無不可只愁霧雨氣鬱蒸檐前風戾懸長繩小蠶惡溼  
大宜潤手淪寒泉細噴喫調饑未怨朝食遲生怕蠶饑甯  
我饑蠶饑便恐絲腸斷未敢片時少稽緩一宵四起黎明  
興阿母年邁猶能勝回眸一笑呼小妹鋪筐未了垂頭睡

董恂飼蠶蠶饑蠶飽不可過早起飼蠶何敢惰只愁饑後  
斷絲腸那顧女唬與兒餓辛勤更是小時難葉溼宜揩大  
宜剉盼到今朝捉大眠帶葉連枝滿簋所恨連朝風霧  
深照料稍疏又囊破竟晝懸宵那得閒幸是兒夫肯儂佐  
葉乾葉溼要關心與少與多莫相左夜間飼罷且偷閒和  
衣暫向牀頭臥

〔金鍾秀蠶家新樂府〕關蠶門吳鹽聘取狸奴歸家家紅帖  
糊柴扉此時最忌是生客惜惜村落行人稀行人稀無剝  
啄門內蠶孃忙碌碌朝朝暮暮不出門容易縲車動茅屋  
噫嘻吁新絲做得百兩無又聽打門追宿逋

頭眠 育蠶要旨 蛻殼時不食不動名曰眠初眠雖係學眠究

南溥志 卷三十一 農桑二 七

欲其齊朝見眠頭而夕定繭夕見眠頭而朝定繭其蠶必佳

眠頭欲眠者數十箇也定繭無不眠也雖屬好蠶終不免有青條 俗謂頭眠頭頂沙 頭戴蠶沙矢

二眠蠶挖蠶然猶不足憑唯看其蠶色放白蠶身長大旺葉  
以後漸漸色黃收身褪葉嘴尖有黑二殼此將眠之候也葉

不可多采 每眠並同 不眠者謂之青條定繭後用礬糠灰糝於面

上再用葉片剪開貼在繭上其青自來謂之引青捉之自盡

不可過遲遲則有起孃二眠出火多不齊矣 又將蠶繭細細拆開再用散石灰同

礬糠灰拌勻糝於面上或日光中或火爐上稍稍溫暖令蠶

繭乾燥眠亦易起否則起孃食葉不齊也 〔胡府志〕蠶將眠

不勤食曰紅孃思 〔吳興蠶書〕結嘴停食曰眠蛻膚向食曰

起時寒則遲時溫則早此天爲之也冷看則遲熱看則早此

人為之也。烏青鎮志初眠仍以竹筴細細分開去其殘葉不致傷于溼熱。

董蠶舟捉眠

蠶食三四日而眠眠一二日而起是為初眠俗曰頭眠自初眠二眠至三眠約半月三眠

日出火出火後再眠曰大眠將眠則食不勤曰紅攬絲又有青攬絲言吐絲也亦作嬾思言嬾而思眠也他眠而此猶食曰食嬾亦稱青條眠起曰嬾思欲眠猶未眠青紅攬起嬾眠則擿置他器曰捉眠頭

出絲纏絲貯餘筐簾勤拂拭一一移置當窗前或食或眠難畫一先後相差無半日擿此未徧彼已眠兩手拮据不遑息傾耳沙沙聲漸小知是筐中食嬾少眠頭欲盡又怯寒捉罷更將帷帟繞深夜捉眠多苦辛妾容無復桃李春三眠四眠蠶易老鏡裏紅顏豈常好

董恂捉眠二眠四眠種各異欲眠不眠攬絲未小姑纔向

南潯志

卷三十一

農桑二

八

筐箔看道是今番不須飼紛紛多見紅嬾思只在黃昏眠可遲縱有食嬾也不多緣枝求葉無三四囑姑慎勿貪戲頑晚餐端整炊蔬食大家飽飯腹不饑捉眠好盡今宵事已眠未眠一分曲植籩筐忙位置手中碌碌猶不閒早見朝曦小窗至

餉食

青蠶要旨初眠以後約一周或半周

量天時之寒熱

看繭上有

白絲如繅謂之楊花繅然後可以餉食或看其嘴上始白漸黃終至稍黑亦可餉食總以眠頭盡起為度恐其早晚不齊也。遭閒瑣記凡眠起餉食如起嬾不甚齊不妨稍遲以俟其齊俗謂之熬。按餉式亮切俗誤讀餉如向乃以餉食為送食非也。廣蠶桑說眠一次則嘴闊一次衣寬一次布葉太早恐嘴已闊而衣未盡脫



者亦食之則腹大而未脫之衣脫不下矣

董蠶舟餉蠶

眠起始食日餉食倍于前衡之重亦逾倍者里語謂之餉得起反是日餉不起食盡日葉

過因語忌而更也

眠頭捉罷夜未央遠遠一覺投匡牀筐中枕畔

兩同夢良人呼起將三商飛蓬雙鬢久罷櫛今朝偶到妝

臺傍梳頭未半娣姒喚可是筐中有起孃女兒女兒新睡

起雪色肌膚倍肥美此時飼之勿太亟少緩須臾乃餉食

俄頃葉過惟留莖到耳一片風雨聲蠶身日長上聲蓬日分

昔時一斤今五斤

董恂餉蠶吾鄉育蠶以斤擿不以城中筐數論一斤出火

至大眠稱得五斤已無恨今歲儂家喜氣多卻於此數更

有進蠶眠已過一晝夜餉食須教者時趁大婦提筐采葉

南潯志

卷三十一

農桑二

九

歸小姑提甕汲水潤密堆層疊筐邊中一色綠雲最嬌嫩

到耳欣聞切切聲纔得須臾食已罄傾籃倒籠從頭添敢

令遲延致饑困

二眠

育蠶要旨看眠頭如頭眠法惟餉食不比頭眠及出火

不可過熬

大眠餉食稍嫩亦不妨

大凡天氣寒暖調勻收蠶至上山一

月為期初眠七周二眠四周出火四周大眠四周上山七周

其中有餉食數周故時候如此但隨天時為轉移當七周五

周亦可當四周三周亦可過月者無是蠶也外三眠子無出

火只有大眠其時較速更有頭二蠶雖是四眠比尋常四眠

稍早其子即可育二蠶

杭州山中井有三蠶四蠶五蠶然不似吾湖育蠶沿門闖境也

西

吳蠶略二眠退皮長二分許黑色退而漸白食葉聲亦稍大

出火 育蠶要旨看眠頭如上法見眠半周後必即用葉片引

青倘天熱尤不可遲恐其有起孃也初二眠折蕪即當燥蕪出火則

眠齊後徑將眠頭捉出其蕪棄之乃用秤權之近時廿四兩秤其捉

若干將簋用礬糠灰鋪底置蠶于中每簋或三斤四斤皆可

上用散石灰稍稍糝之鄉人謂之供俟有起孃即用蕪子預

先曬乾拆開放面上起孃不至沸騰如天陰用稻柴剪斷

亦可起齊後方可餉食如蠶少買出火須擇其絲緒纏絲者

爲上 西吳蠶略長約三分映照之頭作碧色乃出火之

候起齊後方可布葉聲如小雨 烏青鎮志出火後不事竹

筋用手一一取下秤定分攤筐中又有復生小蠶者爲長上聲

孃 遺閒瑣記舊法小蠶用火至三眠去之故名出火近多

南潯志 卷三十一 農桑二

十

不用火而出火之名仍相沿不改蠶多則論斤鬻之少則買

之俗曰撥出火蠶出火後始有長孃至上山時亦隨母作小

繭 虞兆澹天香樓偶得俗以第三眠爲出火不列諸眠之

中因以末眠并頭二眠爲三眠三起實則四眠四起也

金鍾秀蠶事新樂府賣出火一眠再眠蠶漸粗十株五株

葉漸疎時當出火葉已盡眼看蠶饑心不忍買葉旣無錢

蠶死尤可憐賣蠶一半來街前以之買葉蠶兩全嗚呼養

得蠶多收豈寡君不見今年芒神圖上三姑把

大眠 育蠶要旨蠶至大眠好歹已定一半好者眠中齊集稍

有青條蠶身均勻並無大小其色青白若一周外尙不眠青

條無數布漆甚多其面必當棄之凡出火一斤得大眠四斤

爲四斤捉得五斤則爲五斤捉看眠頭如前法惟餉食時候  
比出火可早食葉可灑水氣水葉終不可喫〔遺閒瑣記〕未眠爲大

眠卽大起也此時尤須勤蕪〔廣蠶桑說〕大眠起後食葉愈  
速能一晝夜食葉十餘次則五晝夜卽老矣能多食數次更  
好蓋此時多食一口葉則上山多吐一口絲故唯恐其食之  
少

蕪括

宵蠶要旨蠶性喜溫而又惡溼熱故必蕪括蕪必剝去

底下一層不使溼熱薰蒸括則取其面上一層而蕪中猶有

蠶在內必當搜剔淨盡

倘有疆爛白肚空頭等蠶棄之無遺

故無論寒暖每日

宜蕪括一回而出火及大眠時爲尤要更有救逆之法如爛

肚傷熱之故吐水白肚二種氣水葉

空頭小蠶時失葉饑傷

布漆身有黑斑點生種之故

南潯志

卷三十一

農桑二

士

必須勤蕪方不傳染如疆蠶

傷冷之故瘍孃

不上葉生種時對得不深可噴燒

酒或甘草水又法以馬毛鋪在蠶器內可免諸病倘大眠後

放地蠶不必蕪括〔湧幢小品〕大起則蕪蕪則分箔蕪早則

足傷而絲不光瑩蕪遲則氣蒸而蠶多溼疾

〔董蠶舟出蕪〕

葉過後枝莖雜蠶矢充積筐中蠶棲其上久則氣蒸於是置網於筐鋪桑於網蠶就食集

於葉上乃舉網而出之移置他器日出蕪筐中之枝莖及蠶矢謂之蕪子俗呼蠶沙拉圾以壅地則桑倍肥〔大

起已後食倍加須臾止腹枝槎枒枝間遺矢更狼藉積來

箔底何紛拏滓穢叢殘待捐棄始可再將新葉飼更欲移

蠶置別筐一一拮拾談何易惟將罌籠上張網中層疊

敷柔桑蠶從網下來就食一網舉之誠善策枯莖蕪出芻

狗陳明日晨炊可代薪豈徒爨下供所乏更得草入土化

法亭亭如蓋桑陰遮得氣全賴壅蠶沙

董恂出薤葉裁如縷蠶猶小葉細無餘薤亦少自從出火過三眠大葉粗枝似芻藁須與葉過只留枝倘教檢取亦難了卻將絲網置筐中一網出之計誠好枝空留作爨材供細沙肥沃宜桑稻鄉人勤苦棄物無能供所需便堪寶最憐竭蹶一月餘徒說山頭如雪皎待到絲成絲白時唯此區區可相保

鋪地 育蠶要旨大眠餉食一周可放地蠶但著地必鋪石灰及草柴柴不方可多方免寒濕及蛇蟲

胡府志藉蘆蔭而散蠶其上 吳興蠶書遇天時潮悶宜取乾茅草切細勻撒蠶面上飼以葉可以隔其熏蒸也

南潯志

卷三十一

農桑二

三

董蠶舟鋪地

育蠶多而盛蠶器具少者大眠後鋪蘆蔭於地置蠶其上謂之下地蠶郡中及他方盡然

吾鄉則十家中無二三也唯濱太湖諸村與郡中同

出火五日大眠過吾家蠶具備

未多區區筐曲盛不足籌量無計將如何打頭賴有三間屋几榻不妨盡度閣掃地平將蘆蔭鋪暫借坤靈作蠶簇僅餘臥室在東箱上羅箱篋下支牀此際已難居入口來歲小兒又娶婦只願蠶花收倍豐不愁明年無處容別築新居高百堵華堂卽是鋪蠶所

董恂鋪地今年大眠十倍捉蠶具翻嫌置未足具少蠶多可奈何幸得儂家富於屋房軒用當箔與筐掃除苦乏僮和僕深賴青紅兒女多一握稻柴如帚縛各自東西灑掃忙蘆蔭平鋪卽蠶箔只教有地可著蠶邊計此身偏跼促

況是蠶多食亦多堆葉還須讓屋角臥牀亦撒挂梁間倘要安眠待蠶熟

搭山棚 青蠶要旨空屋一間要乾燥通風離地約四尺高中用數根木橫住上鋪蘆簾簾上有帚頭立起蠶安其上卽爲上山 遺聞瑣記山棚宜寬蠶多棚小則同功繭必多 吳興蠶書又宜暗老蠶見亮光輒遊走無定不卽裹身蠶上齊後所有窗戶悉宜遮掩蠶之成繭不能無所依傍故棚上須立草帚

董蠶舟搭山棚 室中架竹木高五六尺布蘆簾圍草薦列 廣狹削木如其長廣一尺餘厚五之一四足如杙子狀謂之山棚筦用省架木之勞府志云去蘆簾尺許以細竹結爲方孔用以架草謂之花格竹吾鄉所無 大眠餉食蠶多老料理山棚須及早

南潯志

卷三十一

農桑二

三

盡將家具度梁間慚愧儂家屋較小架木倚竹結構牢去地未及一仞高布以蘆簾平似砥草薦三面圍周遭上轟帚頭下擦火棚底痴僕往來可何須更列花格竹不致欹傾亦已足經營拚費一宵功切誠兒曹毋欲速鄰家家富貧安閒新製雙筦厚且堅因斯結縛遂草草棚倒覆火蠶被難我家力不能辦此無恃乃得常無患 平山棚歲歲安

如山

董恂搭山棚蠶老須置山上頭搭山縛棚屋四周中央巨竹橫又縱上鋪蘆席如平疇高低結束事麤了忽聽笑語談湖州不知花格竹何取工夫破費真無謀豈如儂家最省便一般作繭無他愁上安蠶帚下灼火也如戶牖同網

繆只憐屋低立難直終朝棚底行偃僂但願今番得大熟  
明年起屋高於樓

架草 育蠶要旨 帚頭之形與筲帚倒轉相似要灑得開立得  
穩不至眠山 湧幢小品 作繭用柴帚以禾草爲之長尺有  
咫大可一握散布登蠶其上有至二三重者

董蠶舟架草

截禾稈長二尺許大可一握散其兩頭剉切

名曰帚頭冬春間東作未興或風雨長夜預取結藁縛

束剉斫謂之斫蠶忙柴有情者至以高價購諸鄰人云 禾

稈一握二尺高縛作帚狀繩束腰兩頭剉切平若砥礪立  
豈復愁傾搖架構山棚已就緒左右前後排以序斜斜整  
整密於林犬牙出入相撐拄去歲豐收饒稻黠結來草堵  
如高崖冬春白米已上固乘閒先斫蠶忙柴不憚勞勞到

南潯志

卷三十一

農桑二

十四

深夜閒時肯忙忙得暇今朝用去尙有餘賣向鄰村博高  
價

董恂架草去年田熟多收稻清白枝枝不枯槁先留今歲  
蠶忙柴幸是藏多不嫌少須教平截一樣齊二尺許長乃  
正好每草一握中束之散其兩頭計亦巧不疏不密置山  
頭不高不低互相繞簾上先教次第排那容欹側愁傾倒  
日來寢食竟無閒架草搭棚事難了聞說鄰家繭已成來  
歲收蠶也宜早

上山

育蠶要旨

將上山則有考孃

考或作巧

色黃收身不欲食葉

與欲眠同而沸騰不已周身通明與欲眠異

倘通明而無絲腸又是空頭由

於小蠶時餓也小蠶不可失

葉直至上山始見悔之已晚 或云蠶沙入水浮亦欲上山也

上號好蠶上山後卽做半周卽如白雪謂之裹身一周有聲  
兩周無聲在內細作人不可動四周做好方可採取如上山  
不做繭必是爛死殭蠶及白肚見有兩周後尙不做者卽當  
輕輕拾去不可使其壞在帚上有礙好繭也 湧幢小品大  
起六七日爲熟巧爲登簇巧以葉蓋曰貼巧驗其猶食者也  
簇以藁覆曰冒山濟其不及者也

董蠶舟上山

蠶將熟脰節瑩徹吐絲繚繞謂之繚孃於是  
撒置山棚上曰上山一二日間皆作繭矣郡

中上山後往往有白蠶之災所見之地蠶  
繭一空故擊鉦鼓以驅之吾鄉則無是也繚孃不眠亦不

食脰節通明無葉色撒向帚頭俾作繭早晚不過一二日  
盤盂一一各分盛盡喚家人來并力儼似迴風舞六花飛  
空齊向山頭擲日未過哺事已竣久勞得逸翻欠伸棚邊

南潯志

卷三十一

農桑二

五

席地聊假寐膏騰睡思濃於雲何事鄰人競奔走伐鼓撻  
金疑逐寇婦女駭詫兒童藏其說弁山來白蠶聞言瞿然  
遽驚起浸階明月涼如水夢想顛倒乃若是一笑吾鄉本  
無此

董恂上山縛棚初就蠶都熟已見繚孃滿蠶箔合家飽食  
趁朝閒摒擋今朝蠶上簇小兒捉蠶盛向盤大兒上蠶據  
山角取蠶散布蠶草間疏疏密密山頭蠹今年蠶好勝往  
年卻苦山棚限于屋上山已罷暫休息棚底相偕坐瑟縮  
小姑作勞倦不支看山卽向山旁宿關心忽憶嫁衣裳軋  
軋聲驚眠不足

金鍾秀蠶事新樂府望山頭手攜一榼來殷勤小姑大婦

歡迎門牽衣其至簇山下大家吉語相温存爲言瓦卦今年卜廿四分收意良足明朝當賽馬頭神款留一醉老瓦盆

擦火

〔育蠶要旨〕山下著火一周用炭火甚旺

〔遺閒瑣記〕南

潯去城七十里耳城中曰養蠶南潯曰看蠶其名已異又城中蠶以筐計葉以箇計南潯則並以斤計而育蠶風氣不同之處甚多即如山頭草帚城中以稻草屈而扭之兩頭向下其形下大上小南潯稻草不屈束腰偏下其形上大下小又棚下擦火城中必蓋以灰不欲其過熱南潯則必吹使極熾蓋城中作肥絲南潯作細絲各有所宜也又有冷種不必用火

〔湧幢小品〕湖郡每蠶忙時必有小鳥連叫曰灼山看火

南潯志

卷三十一

農桑二

六

其聲清澈可聽蠶畢則止蠶室暖育者倦極常有火患

〔青鎮志〕燕炭山棚下曰擦火

廣韻擦桑割使熱上升則乘此

縈絲作繭不停口而盡出腹中所有矣

〔董蠶舟擦火〕

上山後遇輕陰薄寒即燕炭於山棚下蠶喜

日和灼山府志云先是有鳥鳴如曰葉貴了至是又鳴曰灼山看火意似相警者吾鄉亦有之

〔棚底輝輝〕燭火爛老瓦盆中熾薪炭更番守視不違安自明至昏又

達旦性愛温和怯寒洎要得微陽相嫗煦煥氣掀騰舉體熱乙乙抽毫絲不絕靜中似聽唧唧聲山頭作繭半已成去歲連旬不開霽市中炭值頓翔貴今年天氣猶暄和差喜所用猶無多祇恐周防稍怠慢祝融回祿能爲患東家峩峩好堂宇可憐一炬成焦土樹杪禽言如警我請君灼



山須看火

董恂擦火山前山後聞鳥聲灼山看火作意鳴蠶性愛暖要火力紛紛薪炭盆中盛山頭繭密白似雪山下火烈同光明繭聲唧唧響不絕祇覺暖氣周掀騰全家聚坐其閒話門外忽爾喧囂生東家擦火失防檢不幸飛燄延柴荆四鄰奔救咸歎息可憐一炬無餘贏歸來舉室共相戒慎勿貪睡當兢兢

回山

育蠶要旨如用火三周回山不用火四周回山不動不易出蛾

如少人做絲可遲一周回也每出火一斤收繭五斤為五分十斤為十分

稱繭廿四兩秤或八斤或七斤為一弔不可再少恐做絲單薄無神氣也兩弔可

做絲一車必須安放簾內令其涼爽毛繭易蒸恐其出蛾也

南潯志

卷三十一

農桑二

七

吳興蠶書嘗取四眠蠶之眠頭與繭細較之出火蠶一兩約計二百五十六七箇大眠蠶一兩約計六十三四箇是出火長至大眠實增四之三好蠶每兩計二十二三箇次者計二十六七箇是一兩大眠箇箇成蠶好者應得三兩次者應得二兩六七錢俗以蠶一斤得繭二斤為對花猶屬八折算也採齊秤準庶知一歲蠶事之豐歉湧幢小品三日而闢戶曰亮山五日而去藉曰除托七日而採繭為落山烏青鎮志過三日撤火開戶去蔽令風燥透繭易于繰絲否則類多難繰而虧折寡斤兩矣

董蠶舟回山

上山七日後采繭曰回山縣志云大起時稱得六斤為一筐每筐收繭一斤為一分以十二分為中平過則得利不及則失利吾里則以出火一斤得繭一斤為一分遞增至六七分為中平十二分為上上

矣諺云蠶花廿四分乃頌禱之夸詞也西鄰傷冷蠶則疆東鄰過熱蠶破囊

功敗垂成自古有奇變難防上山後山前百徧行徘徊七

宵魂夢常驚猜凌晨一眺喜過望滿山雪壓光皚皚踢壁

大聲呼起起吾家今日回山矣繭多還恐器難盛檢點瓶

罍及筐篚勻圓萬顆明珠垂間以黃碧光陸離堆來高與

山棚齊不須如甕誇神奇持衡細把分數計何敢癡心望

廿四卻噉老媪太貪愚還祝明年勝今歲

董恂回山屈指上山已七日山頭璀璨堆如雪層層密壓

滿四圍蠶簇不分只一白明珠纍纍相貫聯不須如甕誇

園客今朝已屈回山期相呼并力全家集男兒取高還取

低婦女采疏復采密只愁繭多無處盛草筥桑籃盡堆積

南潯志 卷三十一 農桑二 六

去年記得十分收何幸今年口倍得爭把權衡度重輕婦

姑兒女齊歡悅

董正採繭圓勻白雪播山巔采采如雲滿眼前匝一月中

眠食廢鳩鳴又是鴉鳴天

選繭 育蠶要旨 剝去繭衣擇其圓白者其中有同功繭一繭兩蠶

黃繭綠松繭棱角繭限於地而不能舒展故不圓尿暈繭為他蠶所汗爛死繭

作繭後即死薄繭力不足香眼繭大眠後為麻蒼蠅所蔽作繭後其

必須常拂點當一一選出然後其絲光而且白鄉人往往貪

重選之不淨以至其絲黑色其實多而不精無益也況所選

出各繭亦非無用同功繭上者可做絲次可剝絲黃繭綠松

繭可做經絲亦可做緯絲黃絲染紅棱角繭亦可剝絲尿暈

繭可做粗絲爛死繭薄繭可做避花香眼繭亦只可剝絲外此者做絲所剩滯頭及繭衣此二者當煮熟河中敲軟可打絲綫沙縷可作壅蛹可燭食亦可作壅蓋蠶之一身無一物無用也

董蠶舟擇繭

按府志繭之類不一有被汗而緒裏者曰推

者曰絲繭兩蠶共成一繭而緒亂者曰同功又有黃繭碧繭黃者緒粗碧者質厚此類皆別擇之以不中縲也繭外散緒曰繭衣俗謂之繭黃助擇者呼兒堂前撒山棚命匠剝剔去之即為所得以代雇值云

新造絲車成速招鄰媪助擇繭選來晾趁天晴明絲繭黃繭區以別良苦醕疵細抉擇今年差幸少烏頭不乏同功與推出此類惟供煮作絲其餘一色光瑩然繭衣蒙戎搓作團持贈鄰媪為備錢留取幾枚白勝雪去蛹藏儂鍼綫

南潯志

卷三十一

農桑二

九

帖他時攜往阿母家倩人剪作鞦韆頭花

婦女剪繭作花置鞦韆頭上繡以綵絨

曰鞦韆頭花里俗所尚

董恂選繭烏頭推出繭不一更有同功縲不得儂家幸是好蠶花潔淨光明同一色東鄰西鄰繭更多碧繭黃繭不勝擇倩儂相助遴選之卻緣晾繭無暇日偶遣嬌女暫分忙可笑童心猶似昔翻將白繭幾許藏道是明朝逢午節鏤出新花待繡鞦韆成飛鶴堪簪髻排車作竈事紛紜坐向深閨不肯出

縲絲

育蠶要旨

絲欲其細而白欲白必多換湯水欲細不可

惜工夫又絲竈必須用煙囪使煙直透絲上無煤氣燒柴亦須揀擇最好是栗柴桑柴次之雜柴又次之切不可燒香樟

其氣能使絲紅色絲必欲其好做好做則蠶蛹身上無衣絲多而工夫不費若好做而繭選得白是爲上號倘繭白不好做終是次號因繭在湯中多滾去其顏光矣其故由於上山時潮溼悶熱則絲必不好做上山之不可不講究如此 冥興蠶晝絲之高下出於人手之優劣同此繭同此斤兩一入良工之手增多絲至數兩而勻細光潔價高而售速故不可不慎擇其人也 志稟近時多有往嘉興一帶買繭歸繅絲售之者亦有載繭來粵者繅時熾炭於絲輪之下則絲速乾而有光謂之擦車頭火

徐有珂繅車圖說繅車之制其牀方有四柱下近足處四面皆有橫檔上則兩旁及後有之而虛其前前兩柱名鉗

口腳鉗其首以受軸軸轄四出其一可脫以軫抵之則牢軸左端架於鉗口右長出鉗口外有頸其端有鶴嘴一縱一橫嘴卽搖手搖手之轉腳踏以運之也腳踏板之根釘於地耳上出貫腳板板形似鞵底上植一柱如股又作活腕筍而出一臂磬折而前鑿其端以納搖手故腳踏其板則臂一前一卻軸向前自下而轉矣車之後二柱左爲太平腳右有仙人椿上穿母樣橈如磨耳上出又旁上出搖釘頭帶一橫挑其末虛穿左柱之首故左柱之首或夾兩釘或有三稜穿焉橫挑上列送絲鈎三俯其鈎以鈎絲緒母樣橈細腰帶長繩套於軸頸軸直轉而母樣橈平轉則橫挑東西往來而絲之上軸也其緒不直矣後柱左右

橫檔穿入出柱之外謂之龍頭安車時常出鑊上端立牌樓牌樓如匚形虛其右上三垂以竹篠橫貫竹輦子三下傍橫挑釘絲眼三皆前出縑絲者從沸湯中以竹篲揚緒去其緒端而以鍼綫納緒於眼自內上纏輦子下出而遙縮於送絲鈎以拋於軸軸圍以布謂之車衣布緒纏於布軸動於踏則軋軋而抽矣 牀廣一尺八寸有半縱贏四寸有半鉗口腳長二尺五寸五分濶五寸厚二寸太平腳長厚亦如之濶四寸六分其有三稜穿者長不在此數仙人椿高一寸八分圍徑一寸二分母樣橈身徑三寸八分腰徑三寸耳高一寸搖釘頭長四寸送絲挑長三尺龍頭長三尺軸梗長三尺左頭徑二寸六分中徑三寸右頭徑

二寸八分鶴嘴長一尺搖手長六寸受活脫輻之眼面濶五寸底濶四寸軫長六寸長輻長二尺一寸呆短輻半之蒲柱長一尺七寸二分厚一寸八分濶二寸八分腳踏板股長二尺四寸臂亦如之牌樓內腔高一尺六寸廣二尺五分 凡安絲車必嚮內而背明縑絲者倚湯鑊設春橈時坐時立一足踏板一足着地立以送緒也龍頭出鑊上故牌樓亦出鑊上竈門煙囪必在左燒火者常向右煙囪下以土鑿近一丈則以竹筒接出屋上近有用洋鐵者凡安絲車必後高而前低後足墊以石四足絆以繩置盤石於中以鎮之恐其走也軸前設火盆熾火以烘絲使出湯而卽乾也否則併其緒而不可分

董蠶舟纒絲曝繭於烈日曰晾繭陰雨則火烘之使蛹不

合成一緒者細至七八枚則粗又有三眼兩眼之別其輕

重以車計每十兩為一車宋雷西吳里語云細而白者曰

合羅稍粗者曰串五又粗者曰肥光吾鎮唯有細絲肥絲

也諺曰小滿動三車不亂者所繅俚語謂之唐公絲聲之譌

謂油車水車絲車也舍南舍北綠樹濃軋軋聲徹村西東

竈燎薪蒸傍熾炭穀回軸轉如旋風蠲眼已過湯正沸赤

手招來緒無既如衣挈領網在綱眾縷皆從一頭曳一蠶

為忽十忽絲繭數由來多寡異三眼兩眼復不同纒成以

此分粗細手攀足踏珠汗淋阿姑憫儂勞不任令儂少息

起相代追涼閒步來深林林邊偶值鄰村媪為語今年絲

好作去聲立談半晌急趨還如雪刺梅滿歸路入門相視一

笑譁滿頭插徧纒絲花

南潯志

卷三十一 農桑二

董恂纒絲絲車有三眼兩眼之別三眼為細兩眼為粗細

計或十兩為一車或十餘兩或二十餘兩絲成論車以兩

至不等也鄉人故有大車頭小車頭之名計兩眼三眼別粗細手撩足踏爾許忙熟炭焚薪水百沸

鄰家老翁身手好一樣作絲更光膩他家蠶早絲已成聞

說歇車已無繼當時儂早下聘錢一車兩車肯儂替阿姑

助理不勝勞換水添薪最留意白繭通教纒合羅其餘只

好肥光曳更抽黃繭作絲團奉與阿姑姑所熹

董正纒絲嘈嘈風雨小車聲白雪紛綸耀日明東市賣絲

春稅足茅檐猶幸責逋輕

剝蛹

胡承謀府志纒絲未盡之繭曰軟繭剝以作絲絲之下者繭中蛹俗謂之蠶女

董蠶舟剝繭

繭質過厚且粗繅時浮沈水面不得盡其緒曰軟繭留以作絲取蛹棄之或以油煎食之

曰燭蠶女

串五合羅繅罷早蠶事今年已粗了農家那得常優

遊薄筐滌淨俱藏收煮餘軟繭猶堆積緒亂質粗繅不得少遲便恐蛹蒸腐棄置未免同雞肋綻衣縱未純絲如撻絀作綫原無殊剝來蠶女煎作鮓堆盤還足充庖廚投筭令予三歎息藉爾謀生翻爾食漠然未是負心人世上紛紛怨報德

董恂剝蛹繅絲煮繭事已竣良人屏水忙插田呼兒洗刷潔蠶具阿儂今日多空閒鍋中賸繭軟且薄絲頭已斷難相聯其中蠶女猶待剝莫教臭腐徒棄捐趁此長日一事無相借去蛹臨窗前沸湯浮沈煮已熟薄者澣絮厚者絲

南潯志

卷三十一

農桑二

三

地藏王誕日已近燒香茹素年復年他時抱向街頭賣施與和尚為香錢

作絲 育蠶要旨剝絲有環絲手絲之分手絲剝在手上環絲則有竹環

董蠶舟作絲

絲有頭蠶二蠶之別以頭蠶為善絲亦如之絲之上者同功繭所作謂之純絲推出次之

蛾口又次之烏頭軟繭為下繭已出蛾者為繭曰蛾口繭軟繭為絲曰軟繭絲用織絲網其餘概曰絲而已作絲須晴日陰雨則絲不速乾而

縷脆俗謂作絲曰剝絲兜清風冷然日卓午煮繭香中間

輾釜老晴難遇熟梅天妯娌相將同剝絲蛾口居後同功先竹架彎彎白月圓土銼烈烈朱火然瓦缶漬以泉涓涓水中擘出架上懸當風高挂蓬門前潔如素紙薄且堅笑謂小姑速相助先著袴襦奉翁媪仲冬二七是良期雙星

已近銀河渡好染新紅裝嫁衣與姑將向郎家去

董恂作絲同功推出不中纜用以作絲白且嬌更有蛾口好種繭汲水同向鍋中燒陰雨怕近入梅候朝來喜見晴光搖相偕妯娌趁早起劬勤那惜身手勞瓦盆漬水潔且淨輕剖重掣十指操疊成一絲繭八九竹竿挂向風中飄卻憐盡供償逋用溫暖只讓財奴驕何曾作絮身上著嚴冬不免寒仍號

澥絮 〔遺閒瑣記〕水絮一曰繭黃一曰澥花一曰澥頭並須煮熟水中澥之又有絲挖頭不必煮澥皆以撚絲綫但視純絲爲費功耳其中以繭黃爲上

董蠡舟澥絮

軟繭之厚者以作絲其次則煮之承以新絲

南潯志

卷三十一

農桑二

十四

賣出償加一新絲準折還租畢僅餘軟繭是粗材區區猶是儂家物春花豆麥方登場夏至已過齊插秧阿儂此際獨無事剝煮功多趁日長煮成要借清流激小竿持至溪頭擊揀取一方涼最多柳陰濃處來泝澥晚來邂逅東家姝爲言夫婿耽擣蒲漂成攜向博場去不足供渠一夕輸董恂澥絮擇繭纜絲事已畢軟繭剝絲薄難疊亂頭墜緒更紛紛倘教棄置寧無惜幸喜今朝事不忙繭衣同向湖邊澥篷底平鋪水面浮綠楊陰裏無炎日一手持竿擊不停跳珠那顧霑衣溼卻有鄰孃作伴來渡頭閒話消岑寂道是新絲賣不留好絲又爲私逋質賴此粗庸不值錢至今尙是儂家物



生種藏種

吳興蠶書留種之要在先擇蠶大眠後當揀取整

齊強健之蠶日以蕪頭葉飼之蕪胡貢切枝頂最茂盛也一切燦換諸務

更宜勤慎老則另棚上之 育蠶要旨種為來歲之計最宜

講究種蠶當另行看開必頻頻飼之不令稍餓上山時不可

用火採繭後安放靜處十八周後如天熱不有此候有蛾話出其繭

口金門為上黃銀門次之白出蛾後總在五鼓飯後即對對

媾也淺交不可如未對即將雌雄捉成對如雌多雄少雄蛾

過交亦不可深黃昏約申刻解開將布一方挂在空中捉蛾放上方可亦有厚紙者

自能抱布須臾即生子矣出蛾當分三朝初朝不過數十隻

第二朝極盛三朝又少以後不可用矣 吳興蠶書原蠶生

子皆圍轉如錢不與諸蠶同至夏蠶之子則又散布而不成

南潯志

卷三十一

農桑二

蠶

圈矣 育蠶要旨收藏布種之法生種後其色必戰紫戰色

後可用石灰篩在上面交夏時必須用絲薄包外面用紙裹

好恐有蠹魚傷子待浴種時再打開浴後仍必包裹來歲方

得無礙 烏青文獻沃以縲絲之湯則子不落貫以桑皮忌

麻苧之綫懸於涼處忌煙熏日炙大約留種繭十斤可得三

眠之蠶四十斤 擇繭之尖細堅厚者腰小者雄也腰大者雌也相兼而收

董蠶舟生種

大眠起擇蠶之健食者別置之倍與之食作繭與他繭異俟蛾破繭取出紙一方引蛾布

子其上謂之蠶布種蛾生子後棄水中府志曰小兒引蛾置水盆旋轉而遊祝曰阿蛾轉團團今年去了來明年

種蠶食葉一倍多作繭別貯留生蛾輪困密緻厚且白持

比他繭難同科閉置笥中過旬日栩栩齊看破口出龐軀

粉翅兩眉彎雌雄相對排成列赫蹠裁來一尺長將蛾引

著紙上方少焉生子已布滿如芥如粟紛難量鳥盡良弓  
藏不用一時齊向東流送贏得兒童喜欲顛祝伊去了來  
明年

董恂生種蠶蛹之化天暖旬餘即出然極遲亦無過種蠶

食葉倍於眾種蠶作繭大如甕莫辨蛾頭短與長已見蠕

蠕繭破縫須臾蛾口出紛然粉翅修眉堪鄭重雌雄相配

各成雙軀腹降肛子已種引蛾紙上密密生紛紜散布無

缺空似此么麼細已甚衣被翻為世所用一年一度轉團

團功業何人能與其卻恨蠶家太負心佳種生成水濱送

溫豐詠蠶蛾倏忽三生幻曹騰一夢長眉彎誇號國粉白

肖何郎對對交還固營營態更狂小姑年十五觀爾費猜

南潯志

卷三十一 農桑二

美

詳

望蠶信 遺閒瑣記 鄉人極重望蠶信有不至者以為失禮蓋

非特蠶時禁忌久絕往來亦以蠶事為生計所關故重之也

董蠶舟望蠶信謝肇淛西吳枝乘曰吳興以四月為蠶月

蠶禁吾鄉里語謂之關蠶房門至纒絲時戚黨親串過從

咸以豚蹄魚鱸果實餅餌相饋遺謂之望蠶信

情密適昏姻不出一鄉裏課時問雨每相偕只隔盈盈衣

帶水一自蠶房深閉門從教彼此絕音塵不知蠶信今何

似消息傳來苦未真算來前日回山始料因今日纒絲起

江魚白白枇杷黃去問諸姑及伯姊涕耳伊軋搖車聲絲

竈滿室縱復橫入門一笑不須問黃上眉間喜氣盈  
董恂望蠶信 育蠶無奈忙蠶節親朋遂使音塵絕道是蠶

家禁忌多不教來往成疏闊邇來鄰右競回山間說收蠶  
同一日未識收花得幾分搖船親自探消息門外相逢一  
笑迎紅燈昨夜花曾結入門無暇道寒暄致語先教詰得  
失歡呼只有稚兒慧翻道客休閒盈歉試聽儂家軋軋聲  
絲車十部縲還急

賣絲

湖錄小滿之日必有新絲出市諺云小滿見新絲

沈樹本城南棹歌白絲縲就色鮮妍賣與南潯買客船載  
去姑蘇染朱碧阿誰織作嫁衣穿

董蠡舟賣絲

鎮南柵有地名絲行隸列肆購絲謂之絲行商賈駢坐買絲者羣趨焉謂之新絲市行有

京莊廣莊經莊

閭閻填咽駟僮忙一榜大書絲經去聲行就

中分列京廣莊畢集南粵金陵商商多竊揣絲當貴亟向

南潯志

卷三十一

農桑二

毛

絲行隸上賣一車值不盈三千牙郎吹毛恣狡猾相逢南  
舍足穀翁亦爲買絲來市中向予搖手呼莫莫留待明年  
高價鬻深感翁言良不誣其奈霹靂飛縣符打門胥吏豺  
狼如不爾何以輸官租况復私逋遞相促二者兼償猶不  
足典去布襦幾時贖袴露兩尻跣雙足三旬勞勞睡不熟  
那得一絲身上著

董恂賣絲

吾鎮絲市最盛向之頓葉者至此則轉而頓絲焉

初過小滿梅正黃市

頭絲肆咸開張臨衢高揭紙一幅大書京廣絲經行區區  
潯地雖褊小客船大買來行商鄉人賣絲別粗細廣莊不  
合還京莊行家得絲轉售客蠶家得錢不入囊急尋過付  
算私債所負加一錢須償償時不難借亦易小民意計工

周防那知贏餘卻有限年年空爲他人忙

董攀龍潯溪竹枝詞街頭五月賣新絲莫價無煩設市師  
今日廣南來大佑月明侑酒唱歌兒

溫豐南潯絲市行蠶事乍畢絲事起鄉農賣絲爭赴市市  
中人塞不得行千聲萬語聾人耳紙牌高揭絲市塵沿門  
挨戶相接連誼譁鼎沸辰至午駢肩累跡不得前其道今  
年絲價長番蚨三枚絲十兩市僧販夫爭奔走熙熙而來  
攘攘往一日貿易數萬金市人誰不利熏心但教炙手即  
可熱街頭巷口其追尋茶棚酒肆紛紛話紛紛盡是買與  
賣小買收買交大買大買載入申江界申江鬼國正通商  
繁華富麗壓蘇杭番舶來銀百萬計中國商人皆若狂今

南潯志

卷三十一

農桑二

天

年買經更陸續農人紡經十之六遂使家家置紡車無復  
有心種菽粟吾聞荒本逐末聖人憂蠶桑太盛妨田疇縱  
然眼前暫獲利但恐吾鄉田禾從此多歉收

酬神

遺閒瑣記里俗所祀蠶神曰蠶王天子曰馬鳴王菩薩

又有蠶花五聖

宵蠶要旨凡寅申巳亥年大姑把蠶子午

卯酉年二姑把蠶辰戌丑未年三姑把蠶

按馮應京月令廣義作四孟年大姑

四仲年二姑四季年三姑與今俗所傳者異

董蠶舟賽神

府志曰俗呼蠶神曰蠶姑其占爲一姑把蠶則葉賤二姑則葉貴三姑則倏貴倏賤吾鄉

俚俗亦有是說又叢祠間有縶婦人像而乘馬者俗稱馬鳴王即搜神記所載馬頭娘也近日始有立廟祠苑蠶者育蠶之家出火大眠時皆祀神謂之拜蠶花利市其禮視蠶畢之祭爲殺云 沅寒驟暖蠶無疴燥溼有患煩護呵蛇鼠不耗葉不貴蠶姑降福亦已多貧

家何以酬神惠牲醴潔蠲恭報賽挈籃市物向街頭拚把  
新絲一車賣花冠雄雞大彘首佳果肥魚舊醪酒兩行紅  
燭三炷香阿翁前拜童孫後孫言昨返自前村聞村夫子  
談蠶神神爲天駟配嫫祖或祀菴窳寓氏主九宮仙嬪馬  
鳴王默說紛紛難悉數翁云何用知許事但願神歡乞神  
庇年年收取十二分神福散來謀一醉開圩明日到處同  
插秧農父多忽忽又將疊鼓祈先農

董怕酬神育蠶有秋生計足蠶家有願向神祝今年大好  
稱意收酬神拚費絲一握九宮仙嬪馬頭嬾稽首焚香更  
燒燭甕中有酒新釀成割得雄雞配猪肉願神覆庇自年  
年絲滿筐籠繭滿箔大兒祈禱拜不休小兒索果爭唬哭

南潯志

卷三十一 農桑二

完

迎神已罷還送神酌酒撤肴事忙碌晚來團坐聚堂前得  
意高談散神福

田家占驗

志稿

正月元旦侵晨占風東南來則稔東及東北

次之西則歉一日爲雞二日爲狗三日爲豬四日爲羊五日  
爲牛六日爲馬七日爲人八日爲穀九日爲蠶十日爲麥晴  
則吉一日得辰爲一龍治水至十二日得辰爲十二龍治水  
少爲雨多多爲雨少一日得丑爲一牛耕地至十二日得丑  
爲十二牛耕地少爲勞多爲逸一日納音屬木爲蠶食一葉  
至九日納音屬木爲蠶食九葉少主貴多主賤入春暖則晴  
寒則雨諺云春寒多雨水雷則久雨諺云春雷十日陰元宵大風主  
油貴忌雨諺云雨打正月半一場弗好看二十日雨爲天穿主雨多二月八

日爲祠山神生日西南風主有秋前後必有風雨釀寒謂之  
請客風送客雨諺云祠山大帝與凍狗肉十二日花朝宜晴十五日雨主

歉驚蟄之前不宜有雷諺云未蟄先蟄人喫狗食三月三日晴雨俱主葉

貴陰雲不雨則蠶大熟諺云三月三日晴桑上挂銀瓶寒食

宜雨清明宜晴清明斷雪穀雨斷霜亦諺語春甲子宜晴諺云春甲

子雨乘船入市四月十四日晴主歲稔諺云四月十四神農二十日

忌雨霓立夏小滿日宜雨五月有壬子破日主水諺云五月

打屋頭過七日八日十一日並宜晴諺云不怕端五端六只怕端十

一十三日爲關帝生日有雨主無疫癘俗稱磨芒種後逢丙

入梅小暑後逢未出梅或以芒種後逢壬入梅入梅日雨主旱

諺云高田只怕迎梅兩低田只怕送時雷夏至宜雨忌西南風諺云夏至西

南澤志 卷三十一 農桑二 三

後半月爲三時頭時三日中時五日末時七日忌雷忌寒三

時以後東南風連晝夜日舶趨風主久晴二十日爲分龍日

忌雷雨主旱前此雨行必漏此後雨則或廿一日雨主稔諺云

二十分龍廿一雨六月三日有雨則日日有之諺云六月初

石頭鑿裏都是米六月三日有雨則日日有之諺云六月初

下晝困六日宜晴雨主水小暑日雷主水諺云小暑一聲三

伏中日出時卯上有雲則有雨庚日有陣雨則連十日皆有

陣盛夏宜熱諺云六月不夏甲子宜晴諺云夏甲子七月七

夕雨主穀少立秋日忌雷諺云秋亭丁卯日忌雨諺云雨打

中穫欄稻八月一日雨主旱白露後忌風雨諺云處暑雨田裏米

白露白迷迷廿四日爲稻草生日雨則藁腐諺云憂憂憂憂

頭更秋分稻秀齊九月九日宜雨主來年熟十三日晴則一冬少雨諺云九

晴釘鞵 秋甲子宜晴諺云秋甲子雨禾頭生耳 十月內風頻作謂之五風

信十一月十七日為彌勒佛生日東南風則米貴西北風則

米賤冬至後九日有雨雪則每九皆然諺云除夏起時連冬起九 十二月

上中二旬有雪來年梅水盛三日宜陰雨諺云臘月初三晴陰濕到清明 十

二日為蠶生日宜晴冬甲子宜晴諺云冬甲子雨飛雪千里 大寒後戊日

為臘臘雪主年豐又諺語占豐歉有云有春好看蠶無春好

種田謂立春節 柴貴荒年到米貴熟年來蒼蠅不喫貴米飯蒼荒

蚊熟蝦荒蟹亂占晴雨有云久旱逢庚落久雨逢庚晴丙不

藏日六月無夜陣東鬻日頭西鬻雨俗呼虹 朝霞不出門夜

霞行千里攔朝雨好曬被明星照爛地有雨落弗泊早晴不

是晴晚晴曬殺人雨前蓬花不肯落雨後蓬花不肯晴細雨不溼

南溇志 卷三十一 農桑二

塵者俗稱 蓬花雨 貓乾狗溼貓飲水晴狗飲水雨 占風有云春東風雨祖宗北

風兩頭凶南風腰裏硬西風不過西東風無休歇單日雙風

雙日單風占霧有云春霧雨夏霧熱秋霧涼風冬霧雪霧露

醒跳下井言天熱也 三朝霧露發西風黃霧霧露雨到半路占寒

暖有云老健春寒秋後熱言不 未喫端午糲寒衣不可送喫

了端午糲還要凍三凍 湧幢小品春雪不宜過多若多則

百廿日必有大風雨俗謂之雪報最傷農諺云一百廿日雪水轉 又

俗云夏至有風三伏熱重陽無雨一冬晴驗之殊不然及闕

感精符云夏至酉逢三伏熱重陽戌遇一冬晴乃知俗說之

訛也 又吳中五六月間梅雨既過必有大風連數日土人

謂之舶趕風云是舶商請於海神得之凡舶遇此風日行數

千里雖猛而不為害

烏青文獻夏至後九九氣候云一九

二九扇子不離手三九二十七冰水甜如蜜四九三十六拭

汗如出浴一作汗出五九四十五頭戴秋葉舞六九五十四

乘涼不入寺七九六十三上牀尋被單八九七十二思量蓋

夾被九九八十一家家打炭擊冬至後九九氣候云一九二

九相叫不出手三九二十七籬一作樹頭吹簞築四九三十六

夜眠如露宿一作鷺縮一作方纜凍得熟五九四十五太陽開門戶一作窮漢

街頭舞一作街家堆鹽虎六九五十四貧兒爭意氣一作和尚不出寺一作

泥腿田七九六十三布衲兩頭攤一作布衲檐頭擔一作布

裏注擔一作凍八九七十二貓狗尋陰地一作口中九九八十一

犁耙一齊出一作三句云窮漢受罪畢書城雜著占水旱

南溟志

卷三十一

農桑二

三

蒹葭初生剝其小白花嘗之味甘主水餒主旱梧桐花初生

色示主旱色白主水冬青花關係水旱其花不落溼地諺云

黃梅雨未過冬青花未破冬青花已開黃梅雨不來鳳仙花

五月開主水芒種前藕豆花開主水占豐歉桃李實多者來

歲必稔占雨水鵲巢近地其年大雨占晴雨鳩呼婦晴逐婦

雨鴉浴風鵲浴雨入哥浴斷風雨蜘蛛添絲晴弔水雨蜻蜓

亂飛主雨魚浮水面主雨水氣腥立時雨水面生青靛天公

又作變

龐正達田家吟并序曩者避亂村居時與二三野老探節數

時課晴問雨其言多田家志諸書所不載間或小有異同

總之不離乎測旱潦卜陰晴者近是農職也甲子秋臥病



無聊追憶舊聞十得三四戲綴七言以廣其意惟其拙而  
不工俗而不雅因命之曰田家吟固知壯夫不爲聊爲病  
魔解嘲云爾下看十六上初三半月陰晴仔細參日沒胭  
脂紅一色夜深風雨到窗南日沒後赤色如霞歷久不滅  
主風雨諺云日沒胭脂紅無  
雨也一窗曉日影瞳矓轉眼濃雲擦碧空開口東方紅  
似火須知閉口雨濛濛日出早色赤少頃雲起則雨  
立至諺云開口東方閉口雨東  
北風來雨便傾至今贏得太公名上火下火更相接雨雨  
風風卒未晴東北風多雨諺云東北風雨太公  
遇火日多雨諺云上火弗落下火滴泥納音  
雞鴨今朝上宿遲明朝陰雨已先知老漁更說魚秤水新  
買蓑衣正及時雞鴨上宿遲則天將陰雨  
躍離水面謂之魚秤水主雨魚 王子哥  
哥任自過後來爭奈甲寅何只愁三日連絲雨五十光陰

南溟志

卷三十一

農桑二

三

爛地多

壬子癸丑甲寅雨主久雨晴主久晴甲寅尤驗諺  
云壬子是哥哥爭奈甲寅何又云壬子癸丑甲寅

家曬夕暉明日陰晴還未保夜來月亮着蓑衣

曉雨夕晴  
諺云攔朝

雨好曬被俗呼月爲月亮月下  
有雲謂之月亮着蓑衣主風雨

料峭春寒潤不收占晴

空自聽鳴鳩若非爛地照星月便是烏雲接日頭

鳩鳴有  
回聲者

日呼婦主晴俗謂之開開窠晒無回聲者曰逐婦主雨俗  
謂之蓋蓋窠 久雨時向晚驟晴忽見星月必再有雨諺

云星月照爛地有雨落弗泊 日沒時下多  
黑雲主雨諺云烏雲接日頭半夜雨啾啾

露白春霜

赤腳多春風隔宿雨滂沱更愁未蟄先驚蟄日日輕雷可

奈何

春霜多雨諺云春霜弗露白露白便赤腳 春風每  
日轉方則晴諺云春風弗隔宿隔宿就要落 驚蟄

前雷主歲歉諺云未蟄先蟄人食狗  
肉 春雷多陰諺云春雷日日陰

桑葉清明雀口齊

蠶孃拍手笑相攜不須更借錢加一中市今年賤似泥

時桑葉如雀口形者主葉賤諺云清明雀口蠶孃拍手  
蠶時貨錢富室蠶畢而償母十則子一謂之加一錢 葉  
價早晚不同有 三月三日春光好野菜花開賽牡丹盤  
早市中市晚市

饌朝來薦新味鱸魚齊上水邊灘 俗呼齊曰野菜春暮老不堪食遍地開白花諺

云三月三野菜花開賽牡丹是時鱸魚極 二月清明蠶多捕亦甚易諺云三月三鱸魚上岸灘

等葉三月清明葉等蠶三車小滿一齊動婦女繅絲男灌

田 清明在二月則葉遲蠶早在三月則葉早蠶遲諺云二月清明蠶等葉三月清明葉等蠶諺云小滿動三車絲

車水車 經車也 年年穀雨兩邊蠶似雪鵝翎埽最便纒出烏兒

細如髮最遲立夏趕頭眠 諺云穀雨兩邊蠶穀雨前三五日

也 蠶始生日烏兒細如髮惟以鵝翎埽取則不傷蠶早者立夏時已三眠俗曰出火次者二眠最遲者始頭眠諺云立夏趕頭眠指遲蠶也

絮襖還宜禦早涼蠶桑纒了正分秧勸君

未喫端陽糉莫送寒衣壓故箱 小滿後時有薄寒故曰種田着絮襖又云未喫端陽

南潯志 卷三十一 農桑二

糉寒衣弗可送喫了 端陽糉還要凍三凍 夏至有風三伏熱重陽無雨一冬

晴酉逢戌遇憑修飾天籟還推第一聲 夏至日風主三伏苦熱重陽日晴主

一冬少雨諺云夏至有風三伏熱重陽無雨一冬晴此語頗古昔人有改有風作酉逢無雨作戌遇者然不似田家

本色 矣 二十分龍廿一雨一年米抵兩年收釀錢便作青

苗會私債官糧不用愁 五月二十日為分龍日次日有雨主歲豐諺云二十分龍廿一雨一

年收得兩年米 驅蝗之神曰猛將村社塑像甚小鄉民於六七月間旗繖鼓樂迎行阡陌謂之青苗會 時

裏西南暮復朝栖潭老鯉亦心焦那知一日偏相拗夏至

西南沒小橋 夏至日起時頭時三日二時五時七日是時西南風多主旱東北風多主潦諺云時

裏西南老鯉栖潭時裏西北老鯉上屋惟夏至 日西南風則又主潦諺云夏至西南沒小橋 忽然小

暑一聲雷依舊濃陰晝不開卻笑天公十八變不辭兩度

作黃梅 芒種後逢壬日入霽天氣晴雨不常諺云黃梅天十八變 小暑日雷主久陰諺云小暑一聲雷倒

轉做  
黃梅

六月初三逢陣雨恰如膏澤灑芳田農夫不用愁

辛苦上晝耘田下晝眠六月初三有陣主雨水調勻諺云六月初三一箇陣上晝耘田下晝

困俗呼睡曰困午前日上晝午後曰下晝雨絲多自北風生埽盡炎氛枕簟

清一事問人殊未解隔田塍處換陰晴夏日北風多雨諺云夏雨北風生夏

日陣雨有相隔不半里即無雨者諺云夏雨隔田塍雨餘若見橫雲起明日扶桑

旭影紅東鸞日頭西鸞雨一彎細認美人虹虹朝見主雨暮見主晴俗

呼曰鸞諺云東鸞日頭西鸞雨更有形如斷虹直起尋丈不巨天作橋形者俗謂之橫雲久雨後見之必晴

彭祖空延八百齡東南陣發不曾經誰知帶過西南陣積

水如池兀未停陣雲自東南起者無雨諺云彭祖活八百弗見東南陣發雲自西南來者雨必多

諺云西南陣帶過落三寸漸覺涼生暑氣蠲秋前十日作秋天從今

白露身休露料理寒衣放薄縣立秋前有時天氣驟涼諺云秋前十日作秋天入白

南溇志

卷三十一 農桑二

三

露後天漸寒諺云白露身弗露好是今年朝立秋秋來涼氣已颼颼牆

頭漸見銀河轉菱角家家咬不休立秋在午前者主秋涼午後主熱諺云朝立秋

涼颼颼暮立秋熟啾啾近鄉處處產菱角亦人人嗜之諺云天河入屋角家家咬菱角纔過白露

白迷迷幾日秋分稻秀齊日色半遮風不動試花天氣薄

雲低白露時稻始華曰試花天宜無風無雨時有微雲遮日則稻易實諺云白露白迷迷秋分稻秀齊

天河入角過中秋夜作三更未肯休十月無工還更甚祇

堪喫飯與梳頭八月後日短夜長始勤夜作諺云河射角趕夜作或曰天河入屋角家家趕夜作

十月日最短諺云十月無工祇有梳頭喫飯工稻花香裏燕爭歸水米何曾一

啄微爲借門前出窠子春來還傍主人飛燕以春社來秋社去諺云燕子

來未下秧燕子去稻花香又兒童學燕語曰不喫你的米不喫你的水借你門前出窠子重陽風

信漸颼颼菱母消焯逐水流記取十三晴一日釘鞵挂到

斷繩休重陽風起則菱窠漸散諺云九月重陽菱母消烱  
斷繩休九月十三晴主久晴諺云九月十三晴釘鞵挂  
麥怕清明連夜雨稻怕寒露一朝霜今年兩日俱晴

暖便種租田亦小康清明日有夜雨則傷麥寒露有霜則傷禾諺云麥怕清明連夜雨稻怕寒  
露一朝霜鄉民有貧無恆產或人多田少佃種他人之田秋成後視土之高下歲之豐歉納租於田主 隕

霜早稻便登場婦子歡呼樂未央最是冬來好光景乾柴  
白米燥礬糠近鄉稻種多晚熟早者亦霜降前後始獲諺云霜降提早稻 霜稻登場最是農家佳處

柴白米燥礬糠市人目之曰乾 三朝霧露西風發腐粟疑從籬上吹冬  
至晴乾年邈邈近來占驗未差池冬天連日大霧主風諺云三朝霧露發西風

冬至九九歌九九歌三九二十七籬頭吹感栗冬至前後晴主年終多雨諺云乾晴冬至邈邈年 幾日夜眠  
如鷺縮朝來負暴趁陽和南風九裏偏如毒又聽鳴鳩蓋

蓋窠冬至九九歌四九三十六夜眠如鷺縮 冬 雪花  
至後南風多陰雨諺云九裏南風如毒藥

南潯志

卷三十一

農桑二

美

飛雜雨如絲無歇無休惱客思底事天晴消不得卻因等  
伴故遲遲雨雪雜下不易晴諺云夾雨夾雪無休無歇 積雪不消日雪等件必更有雪